

广东通志

广东通志

廣東通志卷九十四

甲子重刊

輿地畧十二 物產一

金類

金桂陽郡有金官

漢書地理志

康州新州勤州恩州崖

州瓊州振州儋州萬安州欽州土貢金

新唐書地理志

廣

州含涯縣有金池居人養鵝鴨嘗於屎中見麩金

淘之得金三兩或半兩

嶺表錄異

生金生嶺南夷獠峒

穴中如赤黑豆碎石生鐵屎之類南人云毒蛇齒

落在石中又云蛇屎着石上及鳩鳥屎着石上皆

碎取毒處為生金有大毒殺人

陳藏器本草

舊崖州出

金華金有花綵者貢

太平寰宇記

銀廣州康州瀧州端州新州封州潘州春州勤州

羅州辯州高州恩州崖州瓊州儋州萬安州欽州

賓州廉州陸州土貢銀

唐書地理志

廣州番禺有銀鑪

清遠大富一銀場東莞香山二銀場韶州曲江靈

源石膏岑水三銀場翁源大湖一銀場樂昌伍汪

黃坑二銀場循州興寧夜明一銀場潮州海陽豐

濟一銀場連州桂陽同官一銀場端州高要沙利

一銀場梅州程鄉樂口一銀場英州真陽鍾峒一

銀場浚光堯山竹溪師子三銀場惠州歸善西平

流坑二銀場高州電白高北一銀場

元豐九

陽江

縣南津銀坑山礦脈甚微

明統志

銅勤州銅陵有銅連州連山有銅

唐書地理志

韶州曲

江巾子一銅場連州陽山銅坑一銅場英州真陽

禮平一銅場

九域志

韶州泮水場以涵水浸銅會百

萬斤鐵浸鍊二十萬銅兩廣三十八部皆有所輸

張端義貴耳集

出陽春鸚鵡山等處

肇慶府志

饒之張潛通方

伎得變鐵爲銅之法使其子詣闕獻之朝廷行之

潮之興利韶之泮水皆其法也

輿地紀勝

鉛廣州化蒙有鉛穴一春州陽春有鉛

唐書地理志

南

恩州陽江一鉛場梅州程鄉石坑一鉛場

九域志

德

慶州及瀧水出錫高明銀礦山卽鉛礦也

明統志

陽

江梅峒山陽春鐵坑山及東南芙蓉都諸山皆出

鉛肇慶府舊志

密陀僧蘇恭曰出波斯國蘇頌曰今嶺南閩中銀

銅冶處亦有之是銀鉛脚政和證類本草

錫廣州清遠錢糾一錫場新會千歲一錫場潮州

橫街黃岡錦田三錫場康州端溪雲烈一錫場瀧

水羅磨護峒二錫場惠州歸善永吉信上永安三

錫場河源立溪和溪永定三錫場海豐靈溪楊安

勞謝三錫場高州信宜懷德一錫場九域志別錄曰

錫出桂陽山谷政和本草錫出瀧州今廣錫出連州有

司收稅黃點志銅錫出惠州者謂之上點銅入爐必

用芋苳鍊之方鎔成汁無芋則不成也嶺南雜記

鐵連州桂陽有鐵陽山有鐵連山有鐵唐書地理志廣

州番禺銀爐一鐵場清遠靜定一鐵場端州高要

浮蘆一鐵場南恩州陽春欖徑一鐵場梅州程鄉

龍坑一鐵場惠州歸善三豐一鐵場九域志陽春江

及新興產鐵諸山割入東安商販從羅定江運集

佛山以羅定為良大清一統志

玉石類

琅玕生南海石嵯間狀如筍質如玉阮閱詩話總龜庚辛

玉冊云生南海崖石內似珠而赤政和本草

珊瑚恭曰生南海從波斯國來頌曰今廣州亦有

云生海底作枝柯狀明潤如紅玉中多有孔亦有

無孔者枝柯多者最難得同珊瑚生磐石上白如

茵一歲而黃一歲變赤失時不取則腐蠹寇宗奭本草衍

義海中經曰珊瑚生海中欲取之先作鐵網沉水

底珊瑚貫網而生歲高二三尺因絞網出之皆折

在網中太平御覽

瑪瑙出西洋紅色爲佳有五色纏絲者郝志

蠟石從化清遠永安恩平諸溪澗多有之粵東筆記

謹案蠟石產于潮州如端石有老坑新坑

之分五色俱有宛似碼礪

玻瓈西國之寶也玉石之類生土中或云千歲冰

所化陳藏器本草琉璃南州異物志曰本質是石欲

作器以自然灰治之自然灰狀如黃灰生南海濱
亦可浣衣用之不須淋但投之水中滑如苔石不
得此灰則不可釋

太平御覽

謹案玻璃一名水玉本玉石之類用自然
灰製成者亦名玻璃水化之玻璃今西洋
無此物矣來自海舶者亦假玻璃也市人
稱爲洋玻璃廣州所造者謂土玻璃出外
洋者質厚而瑩淨如水晶內地所造者質
薄而脆

水晶中州水晶皆爲玩好瓊州五指山傍滿山皆
是望之如雲而光過之人取之以爲假山有高至

丈餘者

月山叢談

謹案恩平縣亦產水晶

雲母出增城大溪

郝志

紫石英東莞縣西北有爆山出紫石英舊以貢獻

太平御覽

大如指小如石榴子色純紫光明鮮艷廣人

以飾佩帶器物與增城雲母桂陽鍾乳俱入藥品

郝志

丹砂連州產丹砂

同上

石膏廣州記曰鄣平縣有石膏望之皎若霜雪

太平

御覽

滑石南越志曰骨

音

城縣出骨石即滑石也土人

以為燒器以用烹魚

同上

謹案本草滑石一名勞石晉城即齊書州郡志臨漳郡之勞石縣以產滑石得名也

硫黃今皆來自番舶

郝志

謹案今醫家所用舶上硫黃也以東倭所

產為良

爐甘石出廣州常歲鄉油榨巖

黃志

無名異出大食國頌曰今廣州山石中亦有之時

珍曰一包數百枚小黑石子也

本草綱目

蜜栗子生川廣金坑中狀如蛇黃而有刺上有金

線亦無名異之類也

同上

石鐘乳恭曰第一始興其次廣連

政和本草

唐柳宗元連山郡復乳穴記石鐘乳餌之最良者也楚越之山多產焉於連於韶者獨名於世連之人告盡焉五載矣以貢則買於他部今刺史崔公至逾月穴人來以乳復告邦人悅是祥也雖然謠曰毗之熙熙崔公之來公化所徹土石蒙烈以爲不信起視乳穴穴人笑之曰是惡知所謂祥也嚮吾以刺史之貪戾嗜利徒吾役而不吾貨也吾是以病而給焉今吾刺史令明而志潔先賴而後力欺誣屏息信順休洽吾以是誠告焉且夫乳穴必在深山窮林冰雪之所儲豺虎之所廬由而入者觸昏霧扞龍蛇束火以知其物縻繩以志其返其勤若是出又不得吾直吾用是安得不以盡告今令人而乃誠吾告故也何祥之爲吾聞之曰謠者之祥也乃其所謂怪者也笑者之非祥也乃其所謂真祥者也君子之祥也以政不以怪誠乎物而信乎道人樂用命熙熙然以效其有斯其爲政也而獨非祥也歟

石牀恭曰一名乳牀一名石笋生鐘乳室中鐘乳

水滴下凝積如笋狀久漸與上乳相接爲柱也陶謂孔公孽爲乳牀非也殷孽孔公孽在上石牀石

花在下

同上

石花白色圓如覆大馬杓上有百十枝每枝各槎牙分歧如鹿角上有細紋以指擦之錚然有聲多生海中石上

本草行義

石花是鐘乳滴於石上迸散日

久積成如花者寇宗奭所說乃是海中石梅石柏

之類

本草綱目

磁石俗目吸鐵石粵南海中多磁石之山海舟遇之觸石立碎故南海諸國常制藤船不用鐵釘以

避其吸

瓊州府志

肇慶陽江多有之

郝志

硃土出高明純赤者埽畫用之黃而赤者爲春牛

泥陽春縣解司爲土牛之用

同上

謹案硃土本草作赤土代赭石之類也

石腦蘊石中白色有蜂窠卽太乙禹餘糧

黃志

礬石廣州志有白礬明礬礬珠

同上

膽礬出翁源寶

山明貢生熟礬十二觔後因採取艱難成化元年

都御史韓雍奏罷之

韶州府志

鋤石廣州志似金出香山赤坎村

黃志

信石出廣州四長鄉

同上

扁青卽石青生珠厓山谷中

郝志

娑娑石生南海其石綠色無斑點有金星又有豆

斑石雖亦解毒而功力不及政和本草舶船過產石山

下愛其石以手捫之故曰摩挲石姚寬西溪叢話

謹案摩挲石即娑娑石也

雷公墨雷州驟雨後人於野中得石如鑿石謂之

雷公墨扣之錚然光瑩可愛嶺表錄異

石墨郡國志云元和中開郡塹得石墨數斛可以

書寰宇記廣州志懷化縣掘塹得石墨甚多精好寫

書石墨一名畫眉石今出韶州郝志

朱石可以入朱硯中使同上

石梅生海中一叢數枝橫斜瘦硬真枯梅也范成大桂

海虞衡志

石柏生海中一幹極細上有葉宛是側柏扶疎無

小異根所附著如烏藥大抵皆化爲石矣

同出陽

江大海中宛似側柏輕脆易折

肇慶府志

謹案石柏有一種赤色生朱砂山上乃木

變石也

吸毒石西洋島中毒蛇腦中石也大如扁豆能吸一切腫毒卽發背亦可治今貨者乃土人捕此蛇以土和肉搗成圍棋子大可吸尋常腫毒及蜈蚣蛇蝎所傷置患處粘吸不動毒盡自脫亟以人乳浸之否則石裂矣乳變綠色著人畜亦毒宜遠棄之一石可用數次真腦石置蛇頭不動爲驗

郝志

端石硯品中端石人皆貴重之載於譜記凡數家
取予各異或佳其有眼爲端或以無眼爲貴然石
之青脈者必有眼嫩則多眼堅則少眼石嫩則細
潤而發墨所以貴有眼不特爲石之驗也眼之品
類不一曰鸚哥眼曰鸚鵡眼曰了哥眼曰雀眼曰
雞翁眼曰貓眼曰茶豆眼各以形似名之翠綠爲
上黃赤爲下諺謂火黯爲佳然亦石之病乾道癸
巳高廟嘗書翰墨數說以賜曹勛其一云端璞出
下嵒色紫如豬肝密理堅緻瀦水發墨呵之卽澤
研試則如磨玉而無聲此上品也中下品則皆砂
壤相集不惟肌理旣麤復燥而色赤皆不可用製